

# 卷十五

書名 周禮註疏四十二卷（十三經註疏所收）  
撰者 漢 鄭玄 注，唐 陸德明 音義，唐 賈公彥 疏  
卷 卷十五

內容分類 經 禮-周禮-唐  
索書號 貴重-1  
編號 A189200

彩色首頁1

東洋文化研究所漢籍目錄 編號: A189200

東洋文化研究所漢籍目錄所藏漢籍善本文影像資料庫 索書號: 貴重-1

漢籍善本文影像資料庫文本 周禮註疏四十二卷 (十三經註疏所收)

版權所有: 東京大學 東洋文化研究所

使用上的注意事項

周禮註疏卷第一

天官冢宰第一

○陸德明音義曰本或作冢宰上非餘卷放此

唐賈公彥疏

漢鄭氏註

陸德明釋文

象天立之官冢大也宰者官也天者統理萬物天子立之官冢大也宰者官也天者統理萬物天言司象冢宰御衆官不主一官之事也○釋曰鄭云象天有三百六十餘度天官亦摠攝三百六十一官者亦是管攝為號故題曰冢宰此不對大宰則云冢宰亦能調和衆官故號大宰之官鄭又云大宰摠御衆官不主一官之事者此官不言司馬司寇司空皆云司以其各主一官

周禮


所究研京東院學化文方東  
No. 3038

0 1 2 3 4 5 6 7 8 9 5

不 許 複

NOT TO BE REPRODU

東京大学東洋文化研





周禮註疏卷第十五

漢鄭氏註

唐賈公彥疏

質人掌成市之貨賄人民牛馬兵器珍異註成平也會

者平物賈而來主成其平也人民奴婢也珍異四時

食物疏質人至珍異。釋曰此質人若今市平準故

物。釋曰云會者平物賈而來主成其平也者會謂

古人會聚買賣止為平物而來質人主為平定之則

有常估不得妄為貴賤也此知人民奴婢也者以其

在市平定其賈故知非良人是奴婢也云珍異四時  
食物者見下壘人云凡珍異之有滯者斂而入  
于膳府即果實及諸食物依四時成熟者也  
凡賣



債者質劑焉大市以質小市以劑鄭司農云質劑

月平賈也質大賈劑小賈玄謂質劑者為之券藏之

也大市人民馬牛之屬用長券小市兵器珍異之物

用短券如字鄭司至短券。釋曰先鄭以質劑

注小宰聽賣買以質劑亦如此解後鄭以為券書者

上文成市之貨賄之等已足市平文書則此經云大

市以質小市以劑及小宰云聽賣買以質劑文勢不

得為月平故以券書可知也市謂大市人民馬牛已

下鄭以意分之為大小就大者而言若人民則掌稽

未成齒已下牛馬未著齒已前亦得為小者也掌稽

市之書契同其度量書其淳制巡而攷之犯禁者舉

而罰之稽猶考也治也書契取予市物之券也其

券之象書兩札刻其側以杜子春云淳當為純純謂幅

廣制謂匹長也皆當也丁度量玄謂淳讀如淳尸盥之

淳其淳音淮廣光喉反長直亮反淳稽猶至之

書契取予市物之券者并案小宰職云聽取予以書

契經既云書契故知其與彼同非上質劑之市買者也

云其券之象書兩劄刻其側者小宰注云兩書一札

同而別之云刻其側若今畫指也杜子春云淳當為

純純謂幅廣制謂匹長也者即丈八尺後鄭從之後

鄭不從杜子春純者純止可為絲為縑不得為幅廣

狹故讀從士虞禮淳尸盥之淳故內宰注依巡守禮

淳四尺鄭答志咫八寸四當凡治質劑者國中一旬

為三三咫謂二尺四寸也凡治質劑者國中一旬

郊二旬野三旬都三月邦國朞期內聽期外不聽

同卷五

謂齋券契者來訟也以期內來則治之後期則不治所以絕民之好訟且息文書也郊遠郊也野甸稍也

都小都大都基同好呼報反**疏**謂齋至大都。

者來訟也者云此經摠上質劑與書契來訴者知郊是遠郊者以其內有國中野野遠郊之外明知

郊是遠郊也知野是甸稍者郊外曰野是大總之言下有都都是四百五百里明此是二百里甸三百里

稍可知又知都中含大都小都者此質人摠聽畿外明此都兼大小二都可知

### 虞夫掌斂市欵布總布質布罰布廛布而入于泉府

布泉也鄭司農云欵布列肆之稅布杠子春云總當為儻謂無肆立持者之稅也玄謂總讀如租總之總

總布謂守斗斛銓衡者之稅也質布者質人之所罰犯質劑者之泉也罰布者犯市令者之泉也廛布者

貨賄諸物即舍之稅。音儻鄭音摠儻音讒摠音摠

**疏**布泉至之稅。釋曰知布泉一物者此布皆入泉府故知泉布一也。是以外府云掌布註云取其

水泉流通無不徧也先鄭云欵布列肆之稅布者謂肆立持者之稅也後鄭不從為守斗斛銓衡者之

稅也者此經廛人掌依行肆者故不得為無肆立持故破從租總之總摠布是守斗斛銓衡之稅下肆長

云斂其摠布是無肆立持故注從子春總當為儻也云質布者質人所罰犯質劑者之泉也者謂犯質劑

違券書罰泉也云罰布者犯市令者之泉也者謂司市有教令其人犯之使出泉云廛布者貨賄諸物即

舍之稅者謂在行肆官有即舍人有置物於中使之

出稅故云 塵布也 凡屠者斂其皮角筋骨入于玉府

稅給作器物也其無皮角及筋骨不中用亦稅之

凡屠至玉府。釋曰云屠者謂屠殺豕羊之類其人

亦有地稅因其屠即取皮角筋骨堪飾器物者使入

玉府也。注以當至稅之。釋曰知以當稅者謂若

山虞澤虞之等所出稅皆云以當邦賦邦賦即地稅

之類是也云無皮角及筋骨不中用亦稅之謂若羊

牛有皮角及筋骨其豕則無之類是不中用亦使出

邦賦之稅以當 凡珍異之有滯者斂而入于膳府

書滯或作塵鄭司農云謂滯貨不售者官為居之貨

物沉滯於塵中不決民待其直以給喪疾而不可售

賈賤者也塵謂市中之地未有肆而可居以畜藏貨

物者也孟子曰市塵而不征法而不塵則天下之商

皆說而願藏於其市矣謂貨物儲藏於市中而不租

稅也故曰塵而不征其有貨物久滯於塵而不售者

官以法為居取之故曰法而不塵玄謂滯讀如沉滯

之滯珍異四時食物也不售而在塵久則將瘦臞腐

敗為買之入膳夫之府所以紓民事而官不失實

為于偽反下同畜勅六反說音悅諸知呂反本或作

貯又作褚皆同藏如字劉本作葬音同瘦本又作瘦

所又反臞其俱反又作臞 凡珍至膳府。釋曰云

音稍紓音舒劉常汝反

凡珍異之有滯者謂四

時珍美異味買者遂少沈滯不售者也云斂而入于

膳府者謂官以泉府之財買取之入於膳夫之府以

供官食。故善至失實。釋曰先鄭云謂滯貨不  
 售者官為居之經直為珍異非貨物先鄭以貨物解  
 之故後鄭不從也先鄭又云塵謂市中之地未有肆  
 而可居以畜藏貨物者但塵雖非肆是官之邸舍不  
 得為空地故後鄭不從引孟子市塵而不征者周則  
 塵有征上文塵布是也云不征者非周法又云法而  
 不塵則與此經同故先鄭引之後鄭增成其義也云  
 久則將瘦隳腐敗者考工記梓人云大胥隳後隳是  
 細小之義故云瘦隳  
 腐敗是以為買之

**胥師各掌其次之政令而平其負賄憲刑禁焉** 註 憲表

縣之 音玄 胥師至禁焉 釋曰案序官云胥師二  
 憲刑禁焉者刑謂市中之刑憲狗扑禁謂市中之禁

謂同當時設禁令非士師五禁也鄭云憲謂表縣之  
 則經憲非為憲 **察其詐偽飾行債慝者而誅罰之** 註 鄭

司農云債賣也慝惡也謂行且賣姦偽惡物者玄謂

飾行債慝謂使人行賣惡物於市巧飾之令欺誑買

者 行下孟反慝他得反巧苦教 註 鄭司至買者

反又如字令力呈反下文同 註 釋曰鄭云債  
 賣也者此經云飾行債慝明債為賣不得為買上文  
 每云賣債債不得為賣故為買是鄭望文為義故不  
 定也先鄭云謂行且賣姦偽惡物以且間之則行是  
 行步之行不為行濫之行故後鄭不從以為行濫解

之 **聽其小治小訟而斷之** 治同斷丁亂反 註 聽其

之 釋曰上司市已云胥師賈師粒於介次而  
 聽小治小訟上摠言之此上當職故申教之也

**賈師各掌其次之貨賄之治辨其物而均平之展其成**

而奠其賈然後令市 註 辨別也 賈音古下注賈師  
 同奠音定別彼列反



**疏**賈師至令市。釋曰案序官云賈師二十肆則一  
人與胥師數同故云各掌其次之貨賄之治也云  
辨其物而均平之者此與胥師所掌同云展其  
成而奠其賈者則與胥師異以其知物價故也**凡天**

**患禁貴債者使有恒賈****註**恒常也謂若諸米穀棺木

而賸久雨疫病者貴賣之因天災害阨民使之重困

。重直**註**恒常至重困。釋曰鄭云謂若諸米穀  
用反**註**棺木者以其天患無過凶荒札喪故鄭知

富人豫儲米穀以擬凶荒豫儲棺木以擬死而賸久雨疫病賣之也**四時之珍異亦如**

**之****註**薦宗廟之物**註**四時至如之。釋曰此珍異亦  
是富人賤時豫儲而後貴時賣

之物**註**薦宗廟之物。釋曰案月令四時有珍異之  
物皆云先薦寢廟故鄭以為薦宗廟舉重而言也

**凡國之賣債各節其屬而嗣掌其月****註**債買也故書

賈為買鄭司農云謂官有所斥令賣賈師師其屬而

更相代直月為官賣之均勞逸**註**更音庚為**註**債買至

勞逸。釋曰先鄭云謂官有所斥賣者斥謂指斥出  
之故鄭注大宰亦云幣餘謂占賣國之斥幣義與此

同也云賈師師真屬而更相代者賈師之下**凡師役**

有群賈亦二肆則一人者使之更互相代也**會同亦如之****疏**凡師至如之。釋曰此亦從  
行所任當直為官賣買也

**司武掌憲市之禁令禁其鬪者與其武亂者出入相**

**陵犯者以屬遊飲食于市者****註**鄭謹也鄭司農云以

屬遊飲食羣飲食者**註**鄭五羔反又**註**鄭謹至食

者禁之若不羣遊則得飲**若不可禁則搏而戮之**

○搏音  
搏下同

司稽掌巡市而察其犯禁者與其不物者而搏之註不

物衣服視占不與衆同及所操物不如品式曹反操七

註不物至品式。釋曰案大司徒民當同衣服今

所操物不知品式此皆違禁之物故搏之也掌執市之盜賊以狗且刑之

。狗辭註掌執至刑之。釋曰上司市市中之刑無

盜賊以狗且刑之亦無過小盜狗扑而已故云以狗

且刑之若直狗者不必有刑其刑者必狗故狗刑兩

各掌其所治之政執鞭度而巡其前掌其坐作出入

之禁令襲其不正者註作起也坐起禁令當市而不

得空守之屬故書襲為習杜子春云當為襲謂掩捕

其不正者註胥各至正者。釋曰案序官胥二肆則

掌二肆者也云執鞭度而巡其前者此鞭度亦如上

文守門者謂以及為鞭而量物也。註作起至正者

襲是掩襲之義故從襲是以左氏公羊皆有不聲鍾

鼓為襲是掩其不備也凡有罪者撻戮而罰之註罰之使出布

註罰之使出布。釋曰此罰布即上塵人職云

肆長各掌其肆之政令陳其貨賄名相近者相遠也實

相近者相爾也而平正之註爾亦近也俱是物也使

惡者遠善善自相近鄭司農云謂若珠玉之屬俱名  
為珠俱名為玉而賈或百萬或數萬恐農夫愚民見  
欺故別異令相遠使賈人不得雜亂以欺人

近附  
遠于萬反注同數色主

疏肆長至正之。釋曰此肆  
反令力呈反賈音古

校一肆之事若今行頭者也。爾亦至欺人。釋  
曰云俱是物也者即司農云俱名為珠俱名為玉之

類是也云使惡者遠善者釋經名相近者相遠也云  
善自相近者釋經實相近者相爾也先鄭云謂若珠

玉之屬已下直釋經名相近者相遠不釋實相近者  
其義可知故也先鄭雖舉珠玉貴者而餘物亦爾

**斂其總布掌其戒令**  
註杜子春云總當為儻

疏杜子春云總當為儻  
為儻。釋曰此肆長各主一肆故罰其  
無肆立持之布故後鄭引而從之也

泉府掌以市之征布斂市之不售貨之滯於民用者以

其賈買之物揭而書之以待不時而買者買者各從

其抵都鄙從其主國人郊人從其有司然後予之

註  
故書滯為瘡杜子春云瘡當為滯鄭司農云物揭而

書之物物為揃書書其賈揭著其物也不時買者謂

急求者也抵故賈也主者別治大夫也然後予之為

封符信然後予之玄謂抵實抵字抵本也本謂所屬

吏主有司是也

疏○揭音竭抵音帝又都禮反瘡音旦  
又治直  
吏反  
即泉府至予之。釋曰云掌以市之征布者  
即上廛人斂布已下之布並入泉布而藏

之故摠云征布也云各從其抵者抵謂本主所屬之  
吏乃付之即都鄙從其主國人郊人是也云都鄙者  
可兼大小都及家邑云國人者謂住在國城之內即  
六鄉之民也云郊人者即遠郊之外六遂之民也○  
故書至是也。釋曰先鄭云抵故賈也後鄭不從  
者假令官前賈時賈後或賤今依故賈與之即損民  
故不得依故賈以解抵也先鄭云主者別治大夫也  
者義或然以其公卿大夫常在王朝其都鄙則遣人  
治之若季氏費宰公山弗擾之輩天子都鄙蓋亦然  
先鄭云為封符信然後予之者封符信謂有符信文  
書皆封題之計賈者得主及有司然後賣不須封信  
文書但於理無害故後鄭不破之也後鄭破抵從抵  
者經是抵欺之抵故破從木傍抵抵得為本義也云  
本謂所屬吏主有司是者鄭欲解抵與主有司為一  
云主有**凡餘者祭祀無過旬日喪紀無過三月**  
司是也**凡餘者祭祀無過旬日喪紀無過三月**  
司農云賒賈也以祭祀喪紀故從官賈買物  
**凡餘者祭祀無過旬日喪紀無過三月**  
司至鄭

買物。釋曰先鄭之意以祭祀喪紀二者事大故賒與民不取利

**凡民之貸者與其**

**有司辨而授之以國服為之息**

**有司其所屬吏也**

與之別其貸民之物定其賈以與之鄭司農云貸者  
謂從官借本賈也故有息使民弗利以其所賈之國  
所出為息也假令其國出絲絮則以絲絮償其國出  
絺葛則以絺葛償玄謂以國服為之息以其於國服  
事之稅為息也於國事受園廩之田而貸萬泉者則  
其出息五百王莽時民貸以治產業者但計贏所得  
受息無過歲什一。之貸音特注不出者同別彼列  
反貸民音吐代反本賈音嫁一音

古所賈音古令力疏凡民至之息。釋曰貸者即今呈反償時亮反。其有司辨而授之者謂別其所授之物以與之云。以國服為之息者所出之利各以國服而為息也。注有司至什一。釋曰云有司其所屬吏也者此則上文有司一也。若然此經不言都鄙主者有司中兼之故上注亦云本所屬吏是抵本中兼二者云與之別其貸民之物者但泉府中所藏之物種類不同欲授民之時先當分別又當定其賈數以與之先鄭以所賈之國所出為息已下後鄭不從者凡言服者服事為名此經以民之服事唯出稅是也則載師云二十而一已下是也是以鄭引載師受園廩之田而貸萬泉者則暮出息五百萬泉出息五百計當二十而取一若然近郊十一者萬泉暮出息一百計當二十而取三者萬泉暮出息一千五百甸稍縣都之民萬泉暮出息二千鄭直云園廩者略舉以言之也云王莽時民貧以治產業者但計贏所得受息無過歲什一者此則與周少異周時不計其贏所得多少據本徵利

玉莽時雖計本多少為定及其徵科唯據所贏多少疏令萬泉歲還贏萬泉徵一千贏五千徵五百餘皆據利徵。凡國之財用取具焉歲終則會其出入而納其餘注會計也納入也入餘於職幣。會古外疏凡至其餘。釋曰云凡國事之財用取具焉者言事謂有司為國家之事興作用財物者皆來向泉府取財為具焉泉府財盡乃於餘府別取焉云歲終則會其出入出謂出府會計用財入謂於廩人斂取歛布已下云納其餘者若國家來取財不盡而有餘則納與天官職幣職幣別出與人故云納其餘也

**司門掌授管鍵以啓閉國門**注鄭司農云鍵讀為蹇管謂籥也鍵謂牡。鍵其展反又其樞反司門至疏釋曰云掌授管鍵以啓閉國門者謂用管籥以啓門用鍵牡以閉門故雙言以啓閉國門則王城十二門

謂籥也鍵謂牡。鍵其展反又其樞反司門至疏釋曰云掌授管鍵以啓閉國門者謂用管籥以啓門用鍵牡以閉門故雙言以啓閉國門則王城十二門

者也。鄭司至謂壯。釋曰先鄭讀鍵為蹇者欲取其蹇之意云管謂籥也者即月令注管籥搏鍵器是也云鍵謂壯者以入為壯容者為壯者若爾雅走曰牝牡也。幾出入不物者正

其貨賄凡財物犯禁者舉之。不物衣服視瞻不與

衆同及所操物不如品式者正讀為征征稅也犯禁

謂商所不資者舉之沒入官。正其音征。不物至入

知不物是衣服之等者見王制云關執禁以幾禁異服識異言閹人云潛服賊器不入宮奇服怪民不入

官明此司門亦然故鄭以不物衣服之等解之但鄭釋不物之中有三事一者衣服二者占視皆不與衆

同三者手所操持不如尋常品式以其特異於人此三者皆須訶問所以也云正讀為征征稅也者下文

云國凶札無關門之征明無凶札之時有征稅故讀從征稅之字也云犯禁者謂商所不資者商所資者

謂若國語云冬資絺夏資絛之類是商所豫資待時而賣者乃不為犯其商所不資謂非民常用之物則入官也。以其財養死政之老與其孤。財所謂門關

之委積也死政之老死國事者之父母也孤其子。財所至其子。釋曰云財所謂門關之委積也者即上遺人云門關之委積以養老孤云死政之老死

國事者之父母也孤其子者即外祭祀之牛牲繫焉

養云邦養耆老孤子義與此同。祭祀之牛牲繫焉

監門養之。監門門徒。繫音計本又作。監門

釋曰牧人六牲至祭前三月則使充人繫而養之若天地宗廟則繫於牢筓之三月若其散祭祀之牲則

不在牢筓此監門門徒養之不必三月也。凡歲時之門受其餘。鄭司農

云受祭門之餘。凡歲至其餘。釋曰凡歲時之門

總之若月令秋祭門者是祭廟門此門亦謂國門十  
二者除四時祭外仍有為水祈禱故左傳莊公二十  
五年秋大水有凡四方之賓客造焉則以告註造猶  
用牲于門之事

至也告告於王而止客以俟逆造七到疏凡四至  
反注同

釋曰謂四方諸侯來朝觀至關關人告王至郊郊人  
告王至國門門人告王王得告皆遣人往迎故先鄭

云止客以  
俟逆也

**司關掌國貨之節以聯門市**註貨節謂商本所發司市

之璽節也自外來者則案其節而書其貨之多少通

之國門國門通之司市自內出者司市為之璽節通

之國門國門通之關門參相聯以檢滑商音滑疏貨

節主通貨節若然璽節亦可先從王司市而出鄭今

解經璽節先從邦國向內而言者以其司關在境而

先云掌國貨之節後云以聯門市是從外向內之言

故鄭亦順經先從邦國司市解之也云案其節而書

其貨之多少通之國門國門通之司市者將送商人

而執節者別有過所文書若下文節傳當載人年幾

及物多少至關至門皆別寫一通入關家門家乃案

勘而過其自內出者義亦然云參相連以檢滑商者

司市與關及門三處相連恐姦滑商人或以多為少  
或隱而不出而避稅故相連以檢括之也其遠郊近  
郊雖不置官掌之亦應有入幾問但無稅法故不言  
耳

**司貨賄之出入者掌其治禁與其征璽**註征璽者

貨賄之稅與所止即舍也關下亦有邸客舍其出布

如市之璽治直疏司貨至征璽釋曰司主也主  
吏反貨賄出入謂上經以聯門市者

是也云與其征塞者征謂稅塞謂邸舍二事雙言也  
○**注**征塞至之塞。釋曰云關下亦有邸客舍其出  
布如市之塞者案上文塞人有塞布鄭云塞邸舍此  
關亦有邸舍商人於關停止則有稅故云如市之塞  
也**凡貨不出於關者舉其貨罰其人****注**不出於關謂

從私道出辟稅者則沒其財而撻其人  
○辟音避一音芳益反

**疏**不出至其人。釋曰注云沒其財者解經舉其  
貨撻其人者解經罰其人案上憲罰之等皆是撻

但舉其貨已足罰物故知**凡所達貨賄者則以節傳**  
罰其人是撻之可知也

**出之****注**商或取貨於民間無璽節者至關關為之璽  
節及傳出之其有璽節亦為之傳傳如今移過所文

書。傳張戀反。凡所至出之。釋曰此文重釋上  
注下皆同。國貨之節上直云璽節此經兼有

傳傳則過所文書。○**注**商或至文書。釋曰鄭云商  
或取貨於民間無璽節者至關關為之璽節者若本  
由王市而出則司市為之璽節商或於民間者或在  
郊內關內民間買得物貨不得向司市取璽節故因  
向關外則便於關取節而出若在城內民間資貨  
者司關為璽節以出之授節節者即授傳與之**國**

**凶札則無關門之征猶幾****注**鄭司農云凶謂凶年饑

荒也札謂疾疫死亡也越人謂死為札春秋傳曰札

瘥天昏無關門之征者出入關門無租稅猶幾謂無

租稅猶苛察不得令姦人出入孟子曰關幾而不征

則天下之行旅皆說而願出於其塗  
○札側八反又音截瘥才何反

病也苛呼多反又音悅**疏**國凶至猶幾。釋曰此司關  
何令力呈反說音悅所掌兼言門者門關同類無



征是同司門既不言故於關并言門也。○**註**鄭司至其塗。○釋曰上注札為疫病此司農以札為死則札因病而昭義得兩兼是以引越人謂死為札也云春秋傳者昭十九年左氏云鄭駟偃卒其父兄立子瑕子產曰寡君之二三臣札瘥天昏注云六極一曰札小疫曰瘥短折曰未亂曰凶未冠曰昏短未昏曰折並無正文望經為說耳引春秋者證札為大疫也引孟子者案孟子云尊賢使能俊傑在位則天下之士皆說而願立於朝矣市廛而不征法而不廛則天下之行旅皆說而願出於其塗矣矣關幾而不征則天下之民皆說而願耕於其野矣廛無夫里之布則天下之民皆說而願為之民矣信能行此五者則鄰國之民仰之如父母矣卒其子弟以攻其父母自無敵於天下然未有能濟者也如是則無敵於天下無敵於天下然未有能濟者未之有也此陳正法與周異引之者彼正法不征商旅則有此經有故不征亦所以說民故取一邊

**凡四方之賓安敬關則為之告**

**註**謂朝聘者也

敏關猶謁關人也鄭司農說以國語曰周之秩官有

之曰敵國賓至關尹以告行理以節逆之。○敏音叩

于偽反朝**疏**凡四至之告。○釋曰敏猶至也。○畿外

直遙反**疏**諸侯來朝使卿大夫來大聘小聘但至

關門皆先謁關人關人止客則奔告王王使小行人

逆勞於畿也。○**註**謂朝至逆之。○釋曰案小王使小行人

亦摠云賓客敏關則為之告是以鄭云謂朝聘者此經

云叩關猶謁關人者猶聘禮關人也先鄭說以國語曰周之秩官有之者祭國語定王使單襄公聘於宋遂假道於陳以聘楚候不出疆司空不視塗單子歸告於王曰陳侯不有楚侯不出疆司空不視塗單子歸有之曰敵國賓至關尹以告行理以節逆之韋昭注云理吏也行理小行人掌國賓客禮以待四方使

逆賓客候人為導卿出郊勞司里授館引之者國語云關尹以告則此經司關為之告一也云行理以節使小行人以節逆之也

**內之** **註** 有送令謂奉貢獻及文書以常事往來環人之職所送迎通賓客來至關則為之節與傳以通之

**疏** 有外至內之。釋曰此雙言之云有外之送令者則以節傳內之謂從諸侯之國畿外而入者則關

人以節及傳內之至王又云有內之送令則以節傳出之者謂有王命從王國而出則亦以節傳出之送

至畿上也。 **註** 有送至通之。釋曰案秋官環人職云掌送逆邦國之通賓客以路節達諸四方注云路

節旌節也四方折上與此義同故引以言之

**掌節掌守邦節而辨其用以輔王命** **註** 邦節者珍圭牙

璋穀圭琬圭琰圭也王有命則別其節之用以授使

者輔王命者執以行為信。 **疏** 別彼列反下相別同使

者 **註** 掌節至王命。釋曰此一經論王國之節對下

同 **疏** 文邦國是諸侯故此王國文單言邦也。 **註** 對下

節至為信。釋曰云邦節者珍圭之等皆約典瑞言

之案典瑞云珍圭以徵守以恤凶荒牙璋以起軍旅

以治兵守穀圭以和難以聘女琬圭以治德以結好

琰圭以易行以除慝是其邦節也不數自外壁羨以

起度之等以其彼是王國所用非使者之節故不言

之云王有命則別其節之用以授使者比釋經而辨

其用故典瑞註亦皆 **守邦國者用玉節守都鄙者用**

**角節** **註** 謂諸侯於其國中公卿大夫王子弟於其采

邑有命者亦自有節以輔之玉節之制如王為之以

命數為小大角用犀角其制未聞

**疏**

謂諸至未聞

侯於其中國者釋經守邦國者用玉節云公卿大夫  
王子弟於其采邑者釋經守都鄙者用角節畿內公  
卿大夫亦是畿內之國但對畿外諸侯為尊故公卿  
已下言都鄙也云有命者亦自有節以輔之者亦如  
上文王有命有節以輔之云玉節之制如玉為之亦  
命數為小大者以邦國與王同稱玉節故知邦國亦  
有數等之節亦皆以玉為之以其諸侯國內亦有數  
守好難起軍旅之等故知與王同知以命數為小大  
者以其命圭之等依命數故知亦以九以七以五為  
節也其天子玉節自以大小為數故琬圭琰圭俱同  
九寸穀圭牙璋俱七寸唯有珍圭無文鄭云大小當  
與琬琰相依云角用犀角者案釋獸云犀似豕注云  
角在鼻上犀角是角中之貴故知不得用王者當用  
犀角云其制未聞者以其知不國之玉節可以約王之  
玉節都鄙之角節無可依然心既無舊制故云其制未  
聞此云都鄙用角節註謂公卿大夫王子弟於其采

邑是都鄙之主案小行人知都鄙用管節注謂公之子  
弟及卿大夫之采地之吏也故用管節與此不同彼  
諸侯采地亦同用管節亦與外內也若天子凡邦國  
公卿大夫采邑之吏下注約入道路用旌節凡邦國

之使節山國用虎節土國用人節澤國用龍節皆金

也以英蕩輔之注使節使卿大夫聘於天子諸侯行


道所執之信也土平地也山多虎平地多人澤多龍

以金為節鑄象馬必自以其國所多者於以相別為

信明也今漢有銅虎符杜子春云蕩當為帑謂以函

器盛此節或曰英蕩畫函帑吐黨反盛音成**疏**使

節至畫函。釋曰云使節使卿大夫聘於天子諸侯  
行道所執之信也者大聘使卿小聘使大夫或於天




子或於諸侯故並言之也云土平地也者對山澤非  
地平也云山多虎者若晉國之類也云平地多人者  
若衛國之類也云澤多龍者若鄭國之類也云以金  
為節鑄象馬者釋經皆金也云必自以其國所多者  
於以相別為信明也者山澤與平地人皆據多者相別  
今言山國用虎澤國用龍土國用人皆據多者相別  
為信以自明也引漢有銅虎符者證周時節用銅之  
意也杜子春云蕩當為帑者音以湯蕩反之今人猶  
言帑也帑則函故云謂以函器盛此節也云或曰英  
蕩畫函者其函猶是蕩但以英華有畫義故更云畫  
函也經云輔之者以函輔此節使不壞損也案昭二  
十九年公在鄆賜公衍羔裘使獻龍輔於齊侯注龍  
輔玉名所以輔門關用符節貨賄用璽節道路用旌  
節皆有期以及節門關司門司關也貨賄者主通  
賞賄之官謂司市也道路者主治五涂之官謂鄉遂

大夫也凡民遠出至於邦國邦國之民若來入由門  
者司門為之節由關者司關為之節其商則司市為  
之節其以徵令及家徙則鄉遂大夫為之節唯時事  
而行不出關不用節也變司市言貨賄者璽節主以  
通貨賄貨賄非必由市或資於民家焉變鄉遂言道  
路者容公邑及小都大都之吏皆主治五涂亦有民  
也符節者如今宮中諸官詔符也璽節者今之印章  
也旌節今使者所擁節是也將送者執此節以送行  
者皆以道里日時課如今郵行有程矣以防容姦擅

有所通也凡節有法式藏於掌節。關至掌節。釋曰鄭知門關是司門關之官不可。授故知主守門及關者故以司門關解之也。云貨賄者主通貨賄之官謂司市也者以其貨賄所得皆由於市乃得通之於外亦非官不可。輒授故知貨賄用璽節必是王之司市也。云道路者主治五溝五塗之官謂鄉遂大夫也。謂以其授節非官不可言路。節是鄉遂大夫所授也。云凡民遠出至於邦國邦國之民若來入由門者司門為之節由關者司關為之。節者據此注凡民出至邦國若宅在國城中先由門司門授之節若宅在關內者則由關司關授之節也。若邦國之民來入則先由關司關授之節若然邦國之民入其節直由關不由門亦云由門者因王國之民出由門故換言之於義無妨也。云其商則司市為之節者此王之掌節而言貨賄用璽節明是王之司市為

掌節



市非邦國之司市其實家徙從邦國來即邦國司市為節故上司關注云貨節謂商本所發司市之璽節自外來者即案其節是邦國之璽節也云其以徵令及家徙則鄉遂大夫為之節者知徵令有節者見鄉大夫云國有大故以旌節輔令則達之註云民雖命行其將之者無節不得通是徵令有節之事又知家徙有節者見比長云若徙於他則為之旌節而行之是家徙有節也又云唯時事而行不出關不用節也者時事行若比長云徙於郊徙於國當鄉徙及非徵令皆不須節兼言不出關者關內當都當邑當行不出關皆不須節也云變司市言貨賄者司市本出璽節授商今不言市而變言貨賄故鄭云璽節主以通貨賄貨賄非必由市或資於民家則由門者司門與之節由關者司關授之節故變言貨賄也云變鄉遂言道路者容公邑及小都大都之吏皆主治五塗亦有民也者鄉遂公邑為溝洫法三等采地為井田法井田與溝洫雖俱為溝洫稀稠有異皆有五塗以官主當其民出入皆受旌節故變鄉遂而言道路以容

蒸儀列

此等之宮云之吏者以其都鄙之主在王朝唯吏在都鄙故以吏言之也云符節已下周法無文故皆約漢法況之案太史公本紀漢文帝二年九月初與郡國守相為銅虎符竹使符應劭曰銅虎符第一至第五國家當發兵遣使者至郡國合符符合乃聽受之竹使符者皆以竹箭五枚長五寸鐫刻篆書第一至第五張晏曰符以代古之圭璋從簡易也凡通達於鄭引之者欲明漢時銅虎符本出於此也

**天下者必有節以傳輔之** 必有節言遠行無有不

得節而出者也輔之以傳者節為信耳傳說所齋操

及所適 凡通至輔之。釋曰此經摠解上經門關

有傳無節或節傳俱無 **無節者有幾則不達** 園土

則不得通達於天下也 釋曰此亦摠解上門關已下

內之 應有節傳今無節者非直被幾又不通達前

所也。釋曰園土內之。釋曰知園土內之者見比長云無節無授園土內之故也

**遂人掌邦之野** 郊外曰野此野為甸稍縣都 外至

縣都。釋曰遂在遠郊百里之外即遂人所掌之野在郊外曰野之中故鄭云郊外曰野鄭又知此野謂甸稍縣都者從二百里至五百里皆名野者此遂人不言掌遂又見下文云以達于畿明遂人掌野通至

畿疆也但遂人雖專掌二百里之中乃兼掌 **以土地**

三百里以外其有溝洫井田之法皆知之也

**之圖經田野造縣鄙形體之灋五家為鄰五鄰為里**

**四里為鄣五鄣為鄙五鄙為縣五縣為遂皆有地域**

**溝樹之使各掌其政令刑禁以歲時稽其人民而授**

**之田野簡其兵器教之稼穡** 經形體皆為制分界

也鄰里鄣鄣縣遂猶郊內比閭族黨州鄉也鄭司農

云田野之居其比伍之名與國中異制故五家為鄰

玄謂異其名者示相變耳遂之軍法追胥起徒役如

六鄉制同此毗志反後同分扶問反又如字下分以

至稼稿釋曰遂人以土地之圖據圖以經界其田

野田野謂田有百里之外野中所經界者即造都鄙

已下是也云造縣鄙者此與下五家為鄰之等為摠

目五家以下有六等略言二者耳云皆有地域溝樹

之者從五家已下據地境界四邊營域為溝溝上而

樹之也云使各掌其政令刑禁者五家則鄰長施政

令五鄰則里宰施政令已上皆施之云以歲時稽其

人民者稽計也人民猶言夫家夫家男女也以歲之

四時計其所管男女多少而損益之云授之田野者

若下文一塞田百晦云簡其兵器者若族師旗鼓兵

章云教之稼穡者亦若計耕事田經形至六鄉

鄣云造形體之法明是為田野云經緯為縣鄙云形

體二者同實而異名明俱為分界處所也云鄰里鄣

鄣縣遂猶郊內比閭族黨州鄉以家數相對是同故

云猶郊內也先鄭云田野之居其比伍之名謂夫一塞

異制者田野之居釋經中言五皆是也名與中國異

田百畝也言此五則經中言五皆是也名與中國異

制亦異以其六遂之內上地有萊五十晦并下劑致

忙並異也玄謂異其名者示相變耳者此後鄭直增

成先鄭家數雖同其名異之意云遂之軍法追胥起

徒役如六鄉者案小司徒云乃會萬民之卒伍而用

之五人為伍五伍為兩四兩為卒五卒為旅五旅為

師五師為軍以起軍旅以作田役以比追胥以令貢

賦註云鄉之田制與遂同但彼鄉中唯見出軍無田

制此遂人唯見田制無出軍法故鄭彼註云鄉之制

與遂同此遂之軍法追胥起役如彼六鄉互見其義

明彼此皆有也但彼此雖相如據大較而言細論之

仍有少異以其六鄉上劑致民六遂下劑致民六凡  
鄉上地無萊六遂上地有萊有萊是其稍異也

治野以下劑致忙以田里安忙以樂昏擾忙以土宜

教忙稼穡以興勸利忙以時器勸忙以疆予任忙以

土均平政國變民言忙異外內也忙猶惰惰無知貌

也致猶會也民雖受上田中田下田及會之以下劑

為率謂可任者家二人樂昏勸其昏姻如媒氏會男

女也擾順也時器鑄作耒耜錢鏹之屬疆予謂民有

餘力復予之田若餘夫然政讀為征土均掌均平其

稅鄭大夫讀勸為藉杜子春讀勸為助謂起民入令

相佐助○忙亡耕一又勸音助季又音鉏疆其良反○

外反下一字同率一首律又音蒙李武冰反猶會古

音翦劉音踐鏹音博復扶又反疏凡治至平政○

致忙者對六鄉之中其家一人為正卒已下皆為羨

卒此六遂之中家一人為正卒已下皆為羨卒自外

並為餘夫家取二人為下劑致忙也云以田里安故

者田則為百晦之田里則五晦之宅民得業則安故

云安忙也以樂昏擾忙者男女人所樂故云樂昏飲

食男女人之大欲存焉故配以昏姻即順民意也以  
土宜教忙稼穡者高田種黍稷下田種稻麥是教之  
稼穡云以興勸利忙者勸助也興起其民以相佐助  
是與民為利故云利忙也○變民至佐助○釋曰  
此案大司徒小司徒主六鄉皆云民不言忙此變民  
言忙者直是異外內而已無義例以其民者冥也忙  
者惰惰皆是無知之貌也云雖受上田中田下田者  
即此下文夫一塵以下是也云以下劑為率謂可任  
者家二人者則其外為餘夫是也云未耜錢鏹之屬

製 複 許 不

NOT TO BE REPRODUCED

東京大学東洋文化研究所



者詩云痔乃錢鏹仍有茲基之等故云之屬鄭大夫  
讀勸為藉藉借也謂借民力所治之田民相於無此  
事故後鄭謂相也辨其野之土上地中地下地以頒田  
佐助從子春也

里上地夫一廛田百晦萊五十晦餘夫亦如之中地  
夫一廛田百晦萊百晦餘夫亦如之下地夫一廛田  
百晦萊二百晦餘夫亦如之

農云戶計一夫一婦而賦之田其一戶有數口者餘

夫亦受此田也廛居也楊子雲有田一廛謂百晦之  
居也玄謂廛城邑之居孟子所云五晦之宅樹之以  
桑麻者也六遂之民奇受一廛雖上地猶有萊皆所

以饒遠也王莽時城郭中宅不樹者為不毛出三夫  
之布○今力呈反晦音畝萊音

中為野故以野言之并上地中地下地以頒其田里  
此皆與已下為摠目也此直言上中下地亦當如小

司徒云上地家七人中地家六人下地家五人也

下者汚是萊謂休不耕者也先鄭引楊子雲有田一

廛謂百畝之居也後鄭不從以為廛與孟子五晦之

宅同者此經上中下地皆云夫一廛田百晦百晦與

一廛別言之則此廛與廛人皆謂廛絲於其中則此

乃是廛里任國中之一地也不得同為百畝之田詩

所云三百廛兮者自是三百家之稅故亦廛表稅也  
云六遂之民奇受一廛者釋經餘夫亦如之則餘夫  
皆有田有廛是餘夫奇別更受廛備後離居之法故  
奇受一廛也云雖上地猶有萊者對六鄉不言餘夫  
之廛上地又無萊故云皆所饒遠也引王莽時事者

證塞是城  
郭中言

凡治野夫間有遂遂上有徑十夫有溝溝

上有畛百夫有洫洫上有涂十夫有澮澮上有道萬

夫有川川上有路以達于畿注十夫二鄰之田百夫

一鄰之田千夫二鄰之田萬夫四縣之田遂溝洫澮

皆所以通水於川也遂廣深各二尺溝倍之洫倍溝

溝廣二尋深二仞徑畛涂道路皆所以通車徒於國

都也徑容牛馬畛容大車涂容乘車一軌道容二軌

路容三軌都之野涂與環涂同可也萬夫者方三十

三里少半里九而方一同以南畝圖之則遂從溝橫

洫從澮橫九澮而川周其外焉去山陵林麓川澤溝

瀆城郭宮室涂巷三分之制其餘如此以至於畿則

中雖有都鄙遂人盡主其地注。畛之忍反劉音真洫

證反從子容反下同注凡治至于畿。釋曰遂人法

去起呂反盡津忍反注掌即六遂之中為溝洫之法

遂地在郊外曰野之中故云凡治野云夫間有遂已

下五溝所以通水入川五涂所以通道向都及國城

也。遂十夫至其地。釋曰云十夫二鄰之田已不

以遂之中有鄰里鄰鄙縣遂故十夫以下還以鄰鄙

鄙縣地當之鄭知遂廣深各二尺溝倍之洫倍溝澮

廣二尋深二仞者此雖溝洫法與井田異制其遂溝

洫澮廣深亦與井田溝澮廣深同故鄭還約匠人井

田之法而言也鄭知徑容牛馬之等義如此者此從

川上有路差之凡道皆有塗川上之路則容三軌

道容二軌塗用一軌軌皆廣八尺其畛差少可容大

車一軌廣六尺自然徑不容車軌而容牛馬及人之步徑是以春秋有牽牛蹊蹊即徑也云都之野塗與環塗同可也者案匠人云環塗以爲諸侯經塗五塗以爲都經塗鄭注云經亦謂城中道諸侯環塗五軌其野塗及都環塗皆三軌彼註亦與注此同皆以爲都之野塗與環塗同依內則云道有三塗男子由右女子由左車從中央是以鄭解川上之路及都之野塗皆容三軌也云萬夫者方三十三里少半里者此解經萬夫有川之意從西北隅北畔至東頭有十洫一洫百夫十洫千夫千夫萬步萬步有三十三里百步步是少半里以九洫摠而言之則萬夫矣故言萬夫者三十三里少半里矣云九而方一者案匠人云廣尺深尺謂之畎以至於方百里爲同同廣二尋深二仞彼井田法溝洫稀少而云同此雖溝洫法溝洫稠多與彼井田相準擬而言也云以南海圖之遂從溝橫洫從洫橫九洫而川周其外焉者案詩有今適南畝又云南東其畝故以南畝圖之其田南北細分者是一行隔爲一夫十夫則於首爲橫溝

十溝即百夫於東畔爲南北之洫十洫則於南畔爲橫溝九洫則於四畔爲大川此川亦人造雖無丈尺之數蓋亦倍洫耳此川與匠人洫水所注川者異彼百里之間一川謂大川也云去山林之等其餘如此者鄭註載師亦以此等三分去一皆大判而言之耳是以田之法一成九百夫亦三分去一以其餘通計出稅故每云三百家也云以至於畿則中雖有都鄙鄙人盡主其地者遂人主六遂與司徒主六鄉同唯在二百里以內今經云以達于畿明畿以內之中雖有都鄙作井田之法遂人亦盡主其地明不可細主井田尚主公邑之中爲溝洫之法與鄉遂人盡主之可知也

**衆寡及其六畜車犖辨其老幼廢疾與其施舍者以頒職作事以令貢賦以令師田以起政役**  
註登成也

猶定也夫家猶言男女也施讀爲弛職謂民九職也

分其農牧衡虞之職使民為其事也載師職云以物地事授地職互言矣貢九貢也賦九賦也政役出土

徒役。施式氏友下施舍。皆同政音征註同。以歲至政役。釋曰云

下亦如族師所云以歲之四時成定男女之等。登成至徒役。釋曰云施讀為弛者以其文承老幼

廢疾之下下又別云以起政役明此不得為施政役。彼施為弛謂弛捨其政役也云職謂民九職也者以

其頒職而作事是民之九職使之作事而遣出九貢也云分其農牧衡虞之職者農即三農牧即數牧衡

虞即虞衡作山澤之材不言商賈嬪婦臣妾之等者畧之也云載師職云以物地事授也職互言矣者彼

云物地事不云貢此云令貢賦不云物地事地事貢賦當相互皆有也云貢九貢也者即九職之九貢非

諸侯之九貢也賦者即亦太宰九賦一曰邦中之賦二曰四郊之賦之等是也云政役出土徒役者即上

六鄉者是也。若起野役則今各帥其所治之民而

至以遂之大旗致之其不用命者誅之

若起至誅之。釋曰

若有功作也遂之大旗熊虎。此文起野役若小司

徒凡起徒役毋過家一人之類也云則今各帥其所

治之民而至者謂令縣正已下縣正云若將用野民

師田行役移執事則帥而至治其政今是縣正受遂

人之令也云以遂之大旗致之者以其遂人雖是大

夫合用鳥隼之旗致眾令遂人掌眾與大司徒同故

致眾得用熊虎為旗也。役謂至熊虎。釋曰知

凡國祭祀共野牲令野職

野至共

之屬。釋曰云共野牲入於牧人以待事也者謂牛  
 羊豕在六遂者故曰野牲牧人云掌牧六牲以待祭祀  
 祀故知此野牲牧人云掌牧六牲以待祭祀故知此  
 野牲亦入牧人以待事也云野職薪炭之屬者此官  
 今之委人斂之故下委人云掌斂野之賦又云斂薪  
 芻凡疏材木材凡畜聚之物言之屬者兼此諸物也  
**凡賓客今脩野道而委積**  
 積。釋曰案大司徒云令野脩道委積彼謂摠令遺  
 人此於百里外野道又今之故註云委積於廬宿市  
 是亦令**大喪帥六遂之役而致之掌其政令及葬帥**  
 遺人也

**而屬六綽及窆陳役**  
 致役致於司徒給墓上事及  
 窆也綽舉棺索也葬舉棺者謂載與說時也用綽旁  
 六執之者天子其千人與陳役者主陳列之耳匠師

帥監之鄉師以斧蒞焉大喪之正棺殯啓朝及引六  
 鄉役之載及窆六遂役之亦即遠相終始也鄭司農  
 云窆謂下棺時遂人主陳役也禮記謂之封春秋謂

之崩皆葬下棺也聲相似  
 反與注相應與說始說反人與音餘朝  
 直逢反之封彼驗反或如字崩補鄧反  
 曰鄭知致役致於司徒給墓上事及窆也者以其殯  
 及引皆六鄉役之其墓上事及窆等六遂役之故知  
 致役給墓上墓上則說載下棺之等窆謂穿壙之等  
 不言在廟載事亦六遂役之不言者畧也必致於司  
 徒者司徒雖主六鄉以地官之卿掌徒庶之役亦  
 兼掌六遂之役故也云綽舉棺索者以其據在棺則  
 曰綽據在道則曰引六遂之役不在道故據在棺而  
 言綽也云葬舉棺者謂載與說時也者以其經云屬

六縛不據在道故知在廟載時及在曠說時也云用  
縛旁六執之者天子其千人與者案雜記諸侯執縛  
五百人大夫三百人以此約之天子千人無正文故  
云與以疑之云陳役者主陳列之耳者以其經云及  
窆窆謂下棺下棺之時千人執縛背碑負引須陳列  
其人故知謂陳列之也云匠師帥監之鄉師以斧蒞  
焉者案其鄉師職知之云大喪之正棺殯啟朝及引  
六鄉役之載及窆六遂役之知義然者案大司徒職  
云大喪帥六鄉及窆陳役鄭據此二文言之以六鄉近  
之役屬六縛及窆陳役鄭據此二文言之以六鄉近  
使主殯及啓朝為始在祖廟之中將行載棺於蜃車  
屬六縛則六遂為終也至於在道言引則還使六鄉  
為始至曠窆之下棺則還使六遂為終以二處各自  
共為終始故云即遠相終始也是以大司徒注云六  
鄉主六引六遂主六縛也云禮記謂之封者據檀弓  
云庶人縣棺而封及喪大記下棺亦云封是也春秋  
謂之窆者左氏葬鄭簡公有司墓之室當道毀之則  
朝而窆是也窆窆封三者字雖不同皆是下棺也云

聲相似者窆封塋皆以去  
聲言之故云聲相似也  
凡事致野役而師田作野

民帥而至掌其政治禁令  
治直吏反  
凡事至禁

此居職未愼  
結之言也

遂師各掌其遂之政令戒禁以時登其夫家之衆寡六  
畜車輦施其施舍與其可任者經牧其田野辨其可  
食者周知其數而任之以徵財征作役事則聽其治

訟  
施讀亦弛也經牧制田界與井也可食謂今年

所當耕者也財征賦稅之事  
遂師至治訟  
釋曰

所掌六遂亦如鄉師主六鄉亦二人共主三遂故云  
各掌其遂之政令戒禁并以時登其夫家衆寡六畜

已下皆如鄉師之職但鄉師云輦又云老幼貴賤廢疾此不言之此云經牧其田野之等彼不言之皆互換者謂周徧知其夫家六畜及田野之等任之據財征者數徵財征據田野之數也云作役事則聽其治訟者役事中可兼軍役田獵功作之等皆聽其治與鄉師同以讀至之事。釋曰云施讀亦弛也者此注功與井也者但六遂制溝洫法以上文所云經牧制界與井也者但六遂制溝洫法以上文所云經牧故上云掌野鄙兼言稍縣都以采地有井田法故此云可食謂今年所當耕者不耕者故云外上地亦有萊中下之地自然皆有萊不耕者故云今年所當耕者不耕者故云外上地亦有財征賦稅之事也雖以地稅為巡其稼穡而移用其正其中亦兼有口率出泉也

**巡其稼穡而移用其**

**民以救其時事** 移用其民使轉相助救時急事也

四時耕耨故艾芟地之宜晚早不同而有天期地澤

風雨之急。釋曰巡其至時事。釋曰遂師各

地有宜早種早收有宜晚種晚收故云早晚不同者其

由天期而有故以天期而言此並須移用其民救其

時事故并**凡國祭祀審其誓戒共其野牲** 審亦聽

也。凡國至野牲。釋曰案冢宰職云大祭祀掌百

審其戒戒遂之**入野職野賦于玉府** 民所入貨賄

以當九職九賦中玉府之用者。釋曰民所至用者。

九職之貢野賦謂民九賦自邦甸家稍縣都之等口  
 率出泉以其在遠郊之外故皆以野言之也云中玉  
 府之用者亦是遂師自當徵其穀稅泉以入大府分  
 之衆府也若然案大府職云式貢之餘財以共玩好  
 之用入於王府被入王府者是民貢之餘財財之美  
 者由大府乃入王府此經入王府者非財之美不堪  
 王之玩**賓客則巡其道脩元其委積**注巡其道脩行  
 好者也

治道路也故書元為比鄭司農云比讀為元元具也  
 美反又作元匹爾反具也劉副注賓客至委積。釋  
 司徒云野脩道委積據國外曰野大喪使帥其屬以  
 在六鄉之中者此據六遂之中者  
**幄帟先道野役及窆抱磨共立籠及蚤車之役**注使  
 以幄帟先者大宰也其餘司徒也幄帟先所以為葬

窆之間先張神坐也道野役師以至墓也立籠之役  
 窆復土也其器曰籠蚤車柩路也柩路載柳四輪迫  
 地而行有似於蚤因取名焉行至壙乃說更復載以  
 龍輜蚤禮記或作搏或作輶役謂執紼者鄭司農云  
 抱磨磨下車也玄謂磨者適歷執紼者名也遂人主  
 陳之而遂師以各行校之市軫反以為于偽反坐乎  
 臥反復音服或音福乃說如銳反或吐活反更復扶  
 又反輜勅倫反搏市專反李徒官反軫市專反適音  
 的又注大喪至之役。釋曰大喪謂主喪也云使帥  
 音澤其屬以幄帟先者謂大宰官使其屬以幄帟  
 先行至壙云道野役者謂司徒導引野中之役出國  
 城至壙云及窆抱磨者及至也謂柩車至壙窆下棺



也下棺之時遂師帥其執縛者之人名歷適而校數  
 之也云及蠶車之役者謂祖廟中將行共蠶車以盛土  
 也云及蠶車之役者謂祖廟中將行共蠶車以盛土  
 之役人也○**注**使以至校之○釋曰知使以幄帟先  
 是大宰者以其天官幕人掌共帷幕幄帟殺屬大宰  
 故知使幕人以幄帟先是大宰也云其餘司徒也者  
 以其司徒主衆庶故知野帟之徒皆司徒今之也云  
 幄帟先所以為葬窆之間先張神坐也者謂樞至墳  
 脫載除節樞則在地未葬窆之間須有凶靈神坐之  
 所故知大幕之下宜有幄之小帳小帳之內而有帟  
 之承塵以為神坐也云道野役帥引以至墓也者以  
 云導導是帥引之言故知從廟帥引往至墓所也云  
 丘籠之役窆復土也者窆謂穿地復土謂下棺之後  
 以壙上土反復而為丘壟皆須籠器以盛土也云  
 車樞路也者人君所居皆曰路故云樞路也云樞路  
 載柳四輪迫地而行者謂在祖廟中遂匠納車於階  
 間卻而上載之乃加惟荒帷荒即柳也四輪迫地而  
 行即輪車以二軸而貫四輪四輪即許氏說文云無

輻曰輪者也云似於蠶因取名焉者此解名為蠶車  
 之意云行至壙乃說更復載以龍輔者以其天子諸  
 侯殯時用輔車即檀弓所云敢塗龍輔天子之禮是  
 也諸侯不龍其轅而已殯既用輔明葬時用輔可知  
 云蠶禮記或作搏或作輪彼經作輻一節禮記作輻或  
 注云輻讀為輻或作輻或作輻彼經作輻一節禮記作輻或  
 作搏彼經不為輻者但輻字雖異其義同故此云  
 或作輻也但為輻者非車之體不從之取其輻字或  
 有作輻字團又轉誤為國字者故既夕記云遂匠納  
 車於階間注云車載樞車周禮謂之蠶車雜記謂之  
 團車喪大記又謂之國車也先鄭云抱磨磨下車也  
 者於義無所當故後鄭不從也後鄭云適歷執縛者  
 名也者謂天子千人分布故六綽之上謂之適歷者  
 分布稀疏得所名為適歷也云遂人主陳之者案上  
 遂人云及窆陳役是也云而遂師以名行校之者但  
 執縛之人背碑負引而退行遂師抱持版之名字巡  
 行而校錄之以知**軍旅田獵平野民掌其禁令比叙**  
 在否故云抱磨也

同卷五

三

吳二

其事而賞罰

平謂正其行列部伍也鄭司農云比

讀為元

註行列戶剛反

疏

軍旅至賞罰釋曰軍

田云平野民者謂遂師平王六遂之民故云平野民也云比叙其事而賞罰者遂師校比次叙其行伍而行賞罰也。註平謂至為元。釋曰周禮之內云比者後鄭皆為校比先鄭皆為元元為具得通一義故引之在下也

遂大夫各掌其遂之政令以歲時稽其夫家之衆寡六

畜田野辨其可任者與其可施舍者以教稼穡以稽

功事掌其政令戒禁聽其治訟

疏施讀亦為弛功事

九職之事民所以為功業

疏

遂大至治訟。釋曰此經與遂師職意同但

互見其義耳

疏

施讀至功業。釋曰云功事九職

之事民所以為功業者大宰以九職任萬民彼云任

即此功事謂任令為邑者歲終則會政致事

註

不言

其遂之吏而言為邑者容公邑及卿大夫王子弟之

采邑政令戒禁遂大夫亦施焉

疏

不言至施焉。釋曰言之者若直

言遂之吏則不容公邑與采邑今遂大夫不言遂之吏變云為邑則遂中可以兼公邑采邑二者故云政令戒禁遂大夫亦施焉以其遂人云掌野又云以達于畿故知亦施政令戒禁

脩稼政

註

簡猶闔也稼器耒耜鋤基之屬稼政孟春

之月令所云皆脩封疆審端徑術善相丘陵阪險原

隰土地所宜五穀所殖以教道民必躬親之

疏術音遂相息

亮反道

**疏**

音導。注簡猶至親之。釋曰云稼器耒耜。鏃基也。云稼政孟春之月令所云皆脩封疆者。此是月令也。注彼彼封疆謂田首之分界也。云審端徑術者。鄭彼注術當為遂引遂入職云。夫間有遂遂上有徑當審之使脩理也。云善相丘陵阪險原隰者。土之高者曰丘。大阜曰陵。坡者曰阪。險下隰者曰隰。高平曰原也。云土地所宜者。即丘陵阪險。下若高田。種黍稷。下田種稻麥。丘陵阪險。種桑棗是也。云以教道民。必躬親之者。彼約束典田大夫。必身親檢校之。以證稼政之事。

三歲大比則帥其吏而興。眚明其有功者。屬其地治者。注興。眚舉民賢者能者。如六鄉之為也。興猶舉也。

屬猶聚也。又因舉吏治有功者而聚勅其餘以職事。比。毗志反。下徵比及注同。疏三歲至治者。釋曰屬音燭聚也。注同治直吏反。疏云三歲大比已下若

鄉大夫三歲大比興賢者能者其義同。變之耳。云帥其吏者則遂大夫已下縣正至鄰長。注興。眚至職事。釋曰云興。眚舉民賢者能者如六鄉之為也。者。厥明獻賢能之書於王。王拜而受之。登於天府內。史貳之。此職亦然也。云興猶舉也。屬猶聚也。者謂當興舉之時。因舉治民之吏。鄰長以上。勅之。有功者而升之。又聚其地治鄰長以上。勅之。以職事使之。不慢也。凡為邑者以四達戒其功事而誅賞廢興之。注四

達者治民之事。大通者有四。夫家衆寡也。六畜車輦也。稼穡耕耨也。旗鼓兵革也。疏凡為至興之。釋曰

不言遂之吏而言為邑者。容公邑及采邑也。云以四達戒其功事者。達通也。謂將四通之事以戒勅其功事。功事即上注九職之功業也。云而誅賞廢興之者。此亦如天官注大有功不徒興又賞之大無功不徒

廢又誅之故誅賞廢興連言之也。釋曰鄭知四達是夫家已下者此無正文唯約上下文而知義爾案遂師云夫家衆寡六畜車輦此遂大夫亦云夫家衆寡以教稼穡鄭長云以旗鼓兵革帥而至又云趨其耕耨鄭據而言故以四事當此四達

縣正各掌其縣之政令徵比以頒田里以分職事掌其

治訟趨其稼事而賞罰之註徵徵召也比案比如趨

李倉苟反本疏縣正至罰之。釋曰以一遂有五縣又作趣音促疏故云各掌其縣之政令徵比者謂政教號令徵發校比之等也云頒田里者亦如上文夫一廛田百晦也云以分職事者即九職之功事也

若將用野民師田行役移執事則帥而至治其政令

註移執事移用其民鄭司農云謂轉相佐助疏若將

令。釋曰云若將用野民者言將事未至之時預徵召野民也言師田謂出師征伐及田獵也言行役謂若巡狩及功役言移執事既役則稽功會事而誅賞

疏既役至誅賞。釋曰此經結上文功役之事事訖乃稽考其功多少當計會其事之可否而有功者賞無功者誅也

鄙師各掌其鄙之政令祭祀註祭祀祭祭也音詠疏鄙

至祭祀。釋曰五鄙為縣五百家為鄙故云各掌其鄙之政令也。註祭祀祭祭也。釋曰知鄙祭祭者鄙與六鄉黨同黨祭祭祭也。凡作民則掌其戒令註作

民謂起役也。疏起役者案下鄭長云若作其民而用之則以旗鼓兵革帥而至又上文每以時數其衆庶云野役故知此作民亦是起役事也

而察其燮惡而誅賞註時四時也下同燮音美

四時也。釋曰知時四時者見鄉師職云凡四時之  
徵令則凡言歲時者皆是四時唯鄉師云調萬民之  
難阨而云歲時巡國及野者鄭注云隨  
其事之時不必四時難阨非常故也  
歲終則會其

鄙之政而致事

鄩長各掌其鄩之政令以時校登其夫家比其眾寡以

治其喪紀祭祀之事註校猶數也疏鄩長至之事

五鄩故云各掌其鄩之政令也云以治其喪紀者謂  
民之喪紀若鄉師所云族共喪器之類治其祭祀者  
謂若族祭酬之類若然縣當祭社與州同縣正鄩師  
鄩長皆不言所祭神者六遂與六鄉互見其義也

若作其民而用之則以旗鼓兵革帥而至若歲時簡

器與有司數之註簡器簡椽器也兵器亦存焉有司

遂大夫疏謂若作至數之釋曰言作其民而用之者

言車輦文不具  
椽器也者見遂大夫職云正歲簡椽器脩椽政則此  
官與遂大夫共簡之故注云有司遂大夫也知兵器  
亦存焉者以遂大夫云簡椽器此不言椽直云器故  
知器中兼有兵器旗鼓

凡歲時之戒令皆聽之趨其

耕耨稽其女功註聽之受而行之也女功絲枲之事

凡歲至女功。釋曰此鄩長繭親民故趨其耕耨  
并稽考女功之事。聽之受至之事。釋曰鄩

知聽之為受而行之非聽斷之者以鄩長中士官惟  
承受遂人已下之事不得專聽斷故知聽謂受聽而  
行之也知女功絲枲者案禮記內則論女功云執  
麻枲治絲繭故知此女功亦治絲枲以為布帛

里宰掌比其邑之衆寡與其六畜兵器治其政令註邑

猶里也疏里宰至政令。釋曰里宰二十五家不言

可知。邑猶里也。釋曰邑是人之所居之處里又訓為居故云邑猶里也。以歲時合耦

于耦以治稼穡趨其耕耨行其秩叙以待有司之政

令而徵斂其財賦註考工記曰耜廣五寸二耜為耦

此言兩人相助耦而耕也鄭司農云耦讀為藉杜子

春云耦讀為助謂相佐助也玄謂耦耜者里宰治處也

若今街彈之室於此合耦使相佐助因放而為各季

冬之月令命農師計耦耕事脩耒耜具田器是其歲

時與合人耦則牛耦亦可知也秩叙受耦相佐助之

次第疏如字治處直吏反街音佳彈疏以歲至財賦。釋

歲之四時云合耦于耦耜者耦助也謂合兩兩相佐助

於里宰處云以治稼穡者謂治理其民使為春稼秋

穡之事云趨其耕耨者謂使民趨時以春耕夏耨云

行其秩叙者謂使民行其合耦使有次第云以待有

司之政令而徵斂其財賦者以六途之賦稅縣師徵

之旅師斂之則此財賦言待有司徵斂者謂縣師徵

師也。考工記曰鄭引考工記者欲蓋合耦為二人共發一尺之地乃成畝以通水之意也。先鄭云耦讀為藉者藉借也非相佐助之義故後鄭不從之也。杜子春讀耦為助謂相佐助也於義合也。文今不足故後鄭從其義也。玄謂耦耜者里宰治處也。若今街彈之室於此合耦使相佐助因放而為各季。月令者證歲時合耦之事。秦周政令或因放而異故云是其引。

歲時與言與以疑之也云合人耦則牛耦亦可知也者周時未有牛耦耕至漢時搜粟都尉趙過始教民牛耕今鄭云合牛耦可知者或周未兼有牛耦至漢趙過乃絕人耦專用牛耦故鄭兼云焉云秩叙受耦相佐助之次第者或家有一夫二夫兵耦若長沮桀溺耦而耕或先後次第相佐助爲之也

**鄰長掌相糾相受**

**註**相糾相舉察

**疏**

鄰長至相受。釋曰鄰長不命之士

爲之各領五家使五家有過各凡邑中之政相贊

長短使相補助 **疏**謂凡邑至相贊。釋曰云邑中者亦

鄰共相贊助此則以長補助也 **徙于他邑則從而授之**

**註**從猶隨也授猶付也 **疏**徙于至授之。釋曰古者

不便其居則徙於他遷向他遂非直徙於他則以旌


節而行之出鄉無節則唯園土內之是也

周禮註疏卷第十五









不 許 複 製

NOT TO BE REPRODUCED

東京大学東洋文化研究所